

# **RREGULLORE PËR PROCEDURAT E HEQJES SË NJË LIÇENSE**

## **PJESA E PARË**

### **DISPOZITA TË PËRGJITHSHME**

#### **Neni 1**

##### **Autoriteti**

Kjo rregullore hartohet në zbatim të nenit 18, të Ligjit nr.9072, datë 22.05.2003 “Për Sektorin e Energjisë Elektrike”, dhe në përputhje me Rregullat e Praktikës dhe Procedurave të ERE-s dhe Rregullores për Procedurat e Liçensimit miratuar me Vendim të Bordit të Komisionerëve të ERE-s.

#### **Neni 2**

##### **Qëllimi**

Qëllimi i kësaj rregulloreje është të sigurojë një trajtim të barabartë e transparent, për të gjithë të liçensuarit në sektorin e energjisë elektrike, për të cilët merret vendimi për të hequr një liçensë, përmes vendosjes së procedurave të njëjta për të liçensuarit në sektorin e energjisë elektrike, në rastet e heqjes së një liçense.

#### **Neni 3**

##### **Objekti**

Kjo rregullore përcakton procedurat që aplikohen për heqjen e një liçense të dhënë sipas Ligjit nr.9072, datë 22.05.2003 “Për Sektorin e Energjisë Elektrike”, Rregullores për Procedurat e Liçensimit, si dhe akteve nënligjore të tjera të miratuara nga ERE.

#### **Neni 4**

2

##### **Përkufizime**

Fjalët dhe frazat e mëposhtme të përdorura në këtë Rregullore kur përdoren, do të kenë kuptimet e mëposhtme:

1. “Ligj” do të thotë Ligji nr.9072, datë 22.05.2003 “Për Sektorin e Energjisë Elektrike”
2. “Bordi i Komisionerëve” do të thotë organi vendimarrës i ERE-s, i përbërë nga pesë anëtarë të emëruar sipas procedurave të parashikuara nga Ligji nr.9072, datë 22.05.2003 “Për Sektorin e Energjisë Elektrike”
3. “ERE” do të thotë Enti Rregullator i Sektorit të Energjisë Elektrike
4. Liçensë do të thotë një autorizim që i jepet një personi sipas Pjesës së Tretë të Ligjit nr.9072, datë 22.05.2003 “Për Sektorin e Energjisë Elektrike”
5. I liçensuar do të thotë një person që mban një liçensë të dhënë sipas Pjesës së Tretë të Ligjit nr.9072, datë 22.05.2003 “Për Sektorin e Energjisë Elektrike”
6. Procedurë do të thotë një tërësi veprimesh, që kryhen në zbatim të legjislacionit në fuqi.

#### **PJESA E DYTË**

3

### **PROCEDURAT E HEQJES SË NJË LIÇENSE**

#### **Neni 5**

##### **Propozimi për fillimin e një procedure për heqje liçense**

Një procedurë për heqjen e një liçense, fillon me propozim të ERE-s, personave të interesuar si dhe me kërkesë të mbajtësit të liçensës. Kur kërkesa për heqje liçense bëhet nga palët e interesuara, procedurat e heqjes së liçensës do të fillojnë vetëm pas verifikimit nga personat e ngarkuar nga ERE, për të konstatuar se egziston një rast për heqje liçense.

## **Neni 6**

### **Raportimi për nisjen e një procedurë**

Në çdo rast që personat e ngarkuar nga ERE konstatojnë shkeljet e mëpos htëme:

- Mospërbushje të kushteve të liçensës të dhënë sipas ligjit
- Shkelje të dispozitave ligjore për mbrojtjen e mjedisit gjatë ushtrimit të veprimtarisë
- Rrezikon shëndetin, jetën dhe pronën e njerëzve
- Nuk shlyen pagesat e rregullimit të vendosura nga ERE
- Nuk ka nisur veprimtarinë e liçensuar brenda kohës së përcaktuar në liçensë
- Nuk arrin të përmbushë kushtet e liçensës për shkaqe financiare

i paraqesin Bordit të Komisionerëve një informacion mbi shkeljet e konstatuara si dhe i propozojnë atij marrjen e një vendimi për të filluar procedurën për heqje liçense.

## **Neni 7**

4

### **Shqyrtimi fillestar**

Një vendim i Bordit të Komisionerëve të ERE-s për të proceduar me heqjen e një liçense një të liçensuari, do t'i njoftohet të liçensuarit, nga ERE, brenda 60 ditëve nga marrja e vendimit nga Bordi i Komisionerëve.

## **Neni 8**

### **Njoftimi dhe përmbajtja e tij**

Njoftimi për shkaqet që diktuan propozimin për nisjen e një procedurë për heqjen e liçensës do të përmbajë:

- Propozimin për heqjen e liçensës;
- Shkaqet për heqjen e liçensës;
- Të drejtën e të liçensuarit për të kthyer përgjigje me shkrim, brenda 30 ditëve nga marrja e njoftimit.

## **Neni 9**

### **Propozimi përfundimtar**

Pas marrjes së përgjigjes më shkrim nga i liçensuari brenda afatit të përcaktuar më sipër, personat e ngarkuar që ndjekin këtë procedurë, do të shqyrtojnë këtë përgjigje brenda 15 ditëve dhe do të përgatisin një relacion për Bordin e Komisionerëve mbi argumentat e paraqitur dhe veprimet e ndërmarra nga i liçensuari, dhe do t'i propozojnë Bordit të Komisionerëve për vazhdimin ose jo të procedurës së nisur për heqje liçense ose për të dhënë mundësi të liçensuarit ndaj të cilit ka filluar procedura për heqje liçense, që të mënjanojë brenda 30 ditëve shkaqet për të cilat është propozuar heqja e liçensës

## **Neni 10**

5

### **Vendimi i Bordit**

1. Me marrjen e informacionit të detajuar me të dhënat sipas nenit 9 të kësaj rregulloreje, dhe pasi është njohur me përgjigjen e të liçensuarit, Bordi i Komisionerëve do të vendosë për heqjen ose jo të liçensës.
2. Në rast të marrjes së Vendimit për heqje liçense, nga Bordi i Komisionerëve, ERE njofton Këshillin e Ministrave, në përputhje me nenin 18, paragrafi i fundit i Ligjit.

## **Neni 11**

### **Njoftimi për Vendimin**

Në përfundim të një procedurë për heqje liçense, ERE do të njoftojë të liçensuarin mbi përfundimin e procedurës së nisur ndaj tij si dhe do t'i dërgojë një kopje të Vendimit të Bordit të Komisionerëve.

## **Neni 12**

### **Shqyrtimi gjyqësor**

Kundër Vendimit të Bordit të Komisionerëve për heqjen e liçenses, i liçensuari mund të bëjë ankim në gjykatë brenda 30 ditëve nga botimi i vendimit në Fletoren Zyrtare.

## **Neni 13**

### **Kushte të përkohshme**

1. Kur Bordi i Komisionerëve i heq liçensën një të liçensuari, aplikon masat e parashikuara në nenin 18, pika 4 të Ligjit nr.9072, datë 22.05.2003 “Për Sektorin e Energjisë Elektrike” dhe Rregulloren për Proçedurat e Liçensimit.

6

2. Aplikimi i masave të përkohshme, do të zgjasë deri në përfundimin e proçedurave për shpronësimin e aseteve me vendim të Keshillit të Ministrave dhe dhënien e një liçense të re.

## **PJESA E TRETË**

### **DISPOZITA TE FUNDIT**

## **Neni 15**

### **Amendamente të Rregullores**

Këto Rregulla janë objekt rishikimi dhe ndryshimi me vendim të Bordit të Komisionerëve të ERE-s, në përputhje me Rregullat e Praktikës dhe Proçedurave të ERE-s.

## **Neni 16**

### **Hyrja në Fuqi**

Kjo Rregullore hyn në fuqi pas publikimit të saj në Fletoren Zyrtare të Republikës së Shqipërisë.